

ASSOCIATION OF BANTAY DANGAN VOLUNTERS

Pines, Oroquieta City

BATAKANG BALAOOD

PASIUNA

Kami mga myembro sa Association of Bantay Dangan Volunteers kinsa nga nagkahiusa ang among tinguha sa pagmugna ug usa ka kapunungan alang sa kauswagan o kalambuan ug pag-uswag kanamong mga sakop niini pinaagi sa panginabuhi, ubos sa kahayag sa atong Dios nga langitnon ug labing gamhanan, dinhi nagmugna ug balaodnon kinsa nagbutyag ning maong batakang balaod.

ARTIKULO I NGALAN UG LUGAR SA KAPUNUNGAN

Section 1. Ang ngalan ning maong kapunungan mao ang Association of Bantay Dangan Volunteers.

Section 2. Ang dapit o lugar nga opisyal nga nahimutangan sa among kapunungan mao ang Pines, Oroquieta City

ARTIKULO II KATUYUAN

Section 1. Ang katuyuan sa kapunungan mao ang pagpanalipod ug pagpalambo sa kaayuhan, katungod ug komon nga interes alang sa tanang sakop sa kapunungan.

Section 2. Ang labi pang importanting katuyuan sa kapunungan mao ning musunod:

2.a. Ang pagplano ug pagmugna ug usa ka programa sa panginabuhi sa mga sakop niini pinaagi sa pagpananom ug humay ug uban pa.

2.b. Ang paghimo ug pagdukiduki sa humay aron malikayan ang kadaut sa tanum.

2.c. Ang pagpalambo sa kinaiyahan pinaagi sa paggamit sa organikong abuno ug pagtinabangay alang sa kaayuhan ug kalambuan.

2.d. Paghimo og graph sa resulta nga gihimong pagduki duki arobn mahimoag action ang mga kadaut nga nakita sa humayan .

ARTIKULO III PAGPASAKOP

Section 1. Ang pagpasakop ning maong kapunungan mahimo ni bisan kinsa nga mag-uuma sa humay nga lumolupyo sa Oroquieta City.

Section 2. Ang pagpasakop ning kapunungan mobayad sa PhP 20.00 isip membership fee.

Section 3. Ang pagpasakop ning maong kapunungan kinahanglan motoman sa lagda ug balaod nga gilatid sa organisasyon sa pagpasakop ug kinihanglan mobayad siya sa mga balayronon sa kapunungan.

ARTIKULO IV

KATUNGOD UG KATUNG DANAN SA MATAGSAKOP SA KAPUNUNGAN

Section 1. Katungod. Ang matag sakop sa kapunungan kinahanglan magpabilin isip maayong sakop sa association aron siya makapahimulos ning maong mosunod nga katungod:

- i. paminawon ang iyang katungod o opinion sa mga butang nga may kalambigitan sa kapunungan
- ii. may katungod siya sa pagbotar sa butang nga ipresentar diha sa meeting o sa pagpili panahon sa eleksyon.
- iii. makatagamtam siya sa tanang benepisyo nga alang sa sakop sa kapunungan.
- iv. may katungod sa pagpangayo sa impormasyon sa mga record, libro ug uban pa
- v. may katungod sa pagpili ug magpapili sa matag piniliay sa kapunungan

Section 2. Katungdanan. Ang matag sakop sa kapunungan adunay katungdanan ning mga musunod:

- i. pagtuman sa constitution and by-laws ug mga resolusyon nga gimugna sa Kapunungan ug uban pang pamalaod
- ii. pagpanalipod sa ngalan ug integredad sa kapunungan
- iii. pagpalambo ug pagsuportar sa interes ug katuyuan sa kapunungan
- iv. aktibo nga motambong ug mosalmot sa tanang meeting ug kalihukan sa Kapunungan.
- v. Mohatag sa report of monitoring sa humayan sa matag cropping season.

ARTIKULO V

ASSEMBLIYA HENERAL

Section 1. Ang assemblya heneral mao ang pinakataas nga magbabalaod sa kapunungan ug ang tanang balaod, polisiya, ug mga plano nga aprobahan sa assemblya ginahanglan pagasundon sa tanang sakop sa kapunungan.

Section. 2. Ang assemblya heneral nagalangkob sa tanang sakop sa kapunungan.

ARTIKULO VI

OPISYALIS

Section 1. Ang mga sakop sa kapunungan magpili ning mga opisyalis nga mao ning mga musunod:

- i. usa (1) ka pangulo
- ii. usa (1) ka puli pangulo (vice president)
- iii. usa (1) secretaryo
- iv. usa (1) ka tresurero
- v. usa (1) ka auditor
- vi. duha (2) ka PIO

Section 2. Tulo (3) ka tuig ang termino sa matag opisyal ug mahimong ma re-elect sa maong posisyon.

ARTIKULO VII MGA BULOHATON SA MGA OPISYALIS

Section 1. PANGULO. Siya ang pangulong ehekutibo, mudumala sa matag tigum, morepresentar sa kapunungan, mopirma ug papeles sa kapunungan, mopatawag ug emergency meeting kong gikinahanglan ug tsirman sa tanang meeting.

Section 2. PULI-PANGULO. Siya mao ang mopuli sa buluhaton sa pangulo panahon nga wala ang pangulo.

Section 3. SECRETARYO. Siya ang tig kuha sa mga minutos sa tanang meeting sa kapunungan ug mopreparar sa mga resolution, pahibalo sa tanang meeting nga pagahimuon sa opisyalis, komitiba ug sa mga sakop sa kapunungan ug mohimo ngadto sa tanang buluhaton nga isugo sa mga opisyalis niini.

Section 4. TRESURERO. Siya ang tighipos sa mga kabtangan ug modiposito sa kwarta sa kapunungan ngadto sa bangko, mo record ug mga documento lakip na ang tanang bililhong butang sa kapunungan.

Section 5. AUDITOR. Ang mga auditor maoy mga audit kon mosubay sa panalapi ug kabtangan sa kapunungan ug morekumendar sa pag-aprobar sa mga transaksyon sa kapunungan mahitungod sa resibo, panggastos ug paggawas sa kantidad ug bililhong butang sa kapunungan.

Section 6. PIO. Ang PIO mao ang mopahibalo sa mga membro kung adunay emergency meetings ug mga importanteng mga kalihukan.

ARTIKULO VIII PANAGKATIGUM

Section 1. Ang binulan nga meeting sa matag miyembro pagahimuon matag katapusang Huwebes sa matag bulan.

Section 2. Paghimuon nga quorum –Ang meeting pagahimuon nga quorum kon makakuha na ug mayorya sa mga sakop sa kapunungan labaw na sa katunga (50% + 1) ang gidaghanon sa sakop sa kapunungan ang mitambong, mao na kana ang quorum.

ARTIKULO IX MONTHLY DUES/ PENALTY

Section 1. Kada miyembro magabayad ug Php. 5.00 para sa monthly due.

ARTIKULO X PUNDO

Section 1. Ang mga musunod mamahimong dinhi magikan ang pundo sa assosasyon:

1. a monthly dues
1. b financial assistance gikan sa nagkalain-laing ahensya.
1. c ug uban pang legal nga paagi ka kapanguhaan ug pundo

ARTIKULO XI
ELEKSYON, REELEKSYON SA MGA OPISYALES

Section 1. Ang pagpapili sa mga opisyaless sa kapunungan pagahimuon maka usa sa matag 3 ka-tuig.

Section2. Ang pamaagi sa pagpili sa mga opisyalis paga himuon sa sekreto nga balota. Mayoriya nga boto mao ang iproklamar nga mananaog sa maong piniliay.

Section 3. Ang napilian nga opisyalis molingkod sa katongdanan usa ka bulan human sa piniliay aron mahatagan ug panahon ang nangaging opisyaless sa pagturn over sa tanang gipanag-iya sa kapunungan ngadto sa bag-ong napili.


Section 4. Bakante nga posisyon –Kon mobakante ang posisyon sa opisyalis mopatawag dayon ug usa ka espesyal nga piniliay sa nakabakante nga posisyon ug ang manana-og molingkod lang sa terminong wala nahuman.

ARTIKULO XII
KAUSABAN

Section 1. Kon adunay kausaban nga pagahimuon niini nga constitution and by –laws, kini ipresentar sa Assembliya Heneral ug paga aprobahan sa 2/3 nga gidaghanon sa mga sakop sa kapunungan .

ARTIKULO XIII
EPEKTO


Section1. Kini nga constitution and by-laws moepekto human mopirma ang mga sakop sa kapunungan niining ika 27 sa bulan sa February, 2013 dinhi saLiga ng Barangay, Poblacion I, Oroquieta City, Philippines.



NILO L. ABREA

President


Pines, Oroquieta City



RICHMOND P. LOQUES

Vice President

Lower Loboc, Oroquieta City



SWEETIE A. YAÑEZ

Secretary

San Vicente Bajo, Oroquieta City